



Nuuk, 1. Juni 2015

### **Inatsisartut suleriaasianni § 37 naapertorlugu paasissutissat elektroniskiusut inatsisitigullu isumannaatsuunissamut tunngatillugu Naalakkersuisunut imaattunik apeqquissaqarpunga**

(Inatsisartuni ilaasortaq Aaja Chemnitz Larsen, Inuit Ataqatigiit)

#### **Apeqquiti.**

1. Nalunaarsuutitut inatsimmiit Paasissutissanut inunnut tunngasunut inatsimmut siuinnerisuutigineqartutut ikaarsaariarnissaq ima isumaqarpa, tassa paasissutissat inunnut tunngasut malittarisassat sulluunniit unioqquatinneqarpata taava tamanna Naalakkersuisunut kinguneqartassanngitsoq?
2. Taamaassappat nunatsinni innuttaasut elektroniskimik namminerisamik inuuneqarsinnaanerisa mianerineqarnissaat unioqquatinneqassappat sooq Naalakkersuisut pineqaatissinneqassanngillat, massa namminersortut taamaaliornikkut pineqaatissinneqassasut?
3. Nalunaarsuutitut inatsimmiit Paasissutissanut inunnut tunngasunut inatsimmut ikaarsaariarnermi innuttaasut pisinnaatitaaffii qanoq qulakkeerneqassappat? Inatsisiliornermi ikaarsaariarfiusunik malittarisassiussinissaq qulakkeerneqarsimava?
4. Paasissutissanut elektroniskiusunut tunngasut tiguneqarnissaannut Naalakkersuisut isumaliuteqarpata? Taamaassimappallu, isumaliutit suuppat?
5. Kunngip peqqussutaatut Inuk pillugu paasissutissanut inatsisissap atortuulersinneqarnissaanut atatillugu Naalakkersuisut innuttaasunut paasissutissiisunik saqqummersitaliussamaarpat, soorlu Atuarfitsialammut, killiligaanani oqaaseqarsinnaatitaanermut, killiligaanani paasissutissinneqarsinnaanermut namminerisamillu inuuneqarsinnaatitaanermut atugassanik?

#### **Tunngavilersuut:**

Inuk pillugu paasissutissanut inatsimmut allannguutissatut siunnersuut maannakkorpiat tusarniaassutigineqarpoq. Inuk pillugu paasissutissanut inatsit inuit ataasiakkaat paasissutissartaannut illersuutaavoq, tassa innuttaasut pisortani sutigit paasissutissaatigineqarnerlutik sukkuulluunniit ilisimannittuunissaat pillugu, kiisalu paasissutissat naleqqutitngitsumik atorineqarnissaannut innuttaasut illersugaanissaat pillugu. Taamaasillutik innuttaasut ataasiakkaarlutik pisinnaatitaaffii illersorneqassappat, tassami namminerisamik inuuneqarnissaq inuttut pisinnaatitaaffiummat.

Paasinninnera naapertorlugu Pisortat Nalunaarsuutaat pillugu Inatsimmi § 29-mi (Lov om Offentlige Myndigheders Register) pineqaatissiisutitut aalajangersakkani maannakkut atuuttuni allassimavoq

inatsit unioqqutikkaanni akiligassiisoqarsinnaasoq imaluunniit parnaarusimaneqartussatut eqqartuussaasoqarsinnaasoq. Inatsit pisortatigut oqartussanuinnaq tunngasuummat, unioqqutitsinerit assersuutigalugu sulinermi atukkatigut malittarisassat imaluunniit inuussutissatigut maleruagassat unioqqutinneqarnerisuut pineqaatissinneqarsinnaanertut isikkoqarput.

Kunngip peqqussutaatut Inuk pillugu paasissutissanut inatsisissamut siunnersuutip § 65-ia qimerlooraanni, pineqaatissinneqarsinnaanermut tunngasortaa namminersortunuinnaq tunngatinneqartutut isikkoqarpoq.

Apeqqutit ullut suliffiusut qulit iluanni akeqquneqarput.